

耳
談
類
增

耳談類增卷之五十二目錄

外紀譎餌篇上

新塘鎮盜

乘羸者客

如來自徙

賣鏡僧

靈哥神

焚身為丐者

寺僧詐化

婦顧氏

僧詐

優詐

金華戍

王錦襲

馬明經

耳談類增卷之五十二

黃岡 王同軌 行甫 著

滁陽 夏守成 克家 校

繡谷 唐 晨 伯成 叔永 梓

外紀誦餌篇上

新塘鎮盜

嘉興新塘鎮田舍翁某富而嫗居萬曆甲午忽有嫗到門謂自蘇越舡來以其失夫而家子婦皆不孝乘怒出欲歸空門暫假宿耳翁為授殮嫗即近艾而腴笑舉止發語皆類大家是夜姦合翁因曰子婦犯禮細事何自苦如此吾既失中饋三子婦皆孝謹汝能續吾斷弦不猶愈于空門乎許之居半載操作綜理甚宜其家篋簞皆有之每云當慎口勿令我家兒知忽二子先

後奔至各以五金為母壽哀泣自責願迎母歸拜翁為父齒序其兄弟如一家又丐翁將母偕歸嫁其幼妹曰兒不足惜幼妹不足念乎翁許偕往嫗因曰三子宜幹家三婦當從我往以見孝順翁許之急為其幼女治奩嫗又私載甚厚又教婦盛粧婦或不待偕皆旁為假貸忽巨舟至皆登焉至東門宣公橋二子曰此地饒市肆翁必習熟其值幸為兒一往評之翁登岸檢視市肆貨甚久日且晡二子忽不見急返河潁嫗婦諸婢並舟失焉莫知所之翁愧見其子自縊死馬健甫談湖州朱新溪謂二子紹翁入市肆語不同而三婦為二婦一妹及無縊死事俱不足辨耳

乘羸者客

晉中某太學赴選抵京次真定有乘羸者至與俱宿店內其人

介靜獨處類長者至新鄭復與俱質其僕曰亦河南赴選者
士也悅之遂通拜謁再一日隔處生為具招之屢辭始赴酒數
行即辭去生問故其人直視生曰行李在途不慎必有失此何
地也豈公初出不知乎徑去生益德之謂為良友至京寓居玉
河橋而其人寓甚遠生念之不置招其遷居傍已久始至為隣
矣乃其家非償債者則貸于人者絡繹不絕生過之以為問答
曰京師易富易貧之地不通子母當立困予久客此因熟其事
而一母十子矣一日謂生某貸金百橐有其八公與其二明日
即償與之如期果償又一日謂生某貸五百橐有其二稍久則
子饒今公尚不得還何不補給之可不乏桂玉生曰然傾橐得
三百與貸既成曰予當往張家灣索債千金公有二乘二僕願
假其一以往而僕篋橐寄於公處幸為我善視之生皆從之其

人乘馬僕為執轡至城外見版築者歌呼自娛其人駐馬問曰爾勞筋骨何樂而歌曰我等役于官日值三百文又得半日閒不樂何為因謂僕曰此大便宜事為若計留此為役及我還所得當大贏僕喜甚入而版築旬日其人不返生猶謂是必有霸久始疑訪之其地寂無知者偶于一處遇僕行群丐中間其故僕泣曰渠是騙手滅迹我無由得見主人面也生不顧急返發篋橐皆鉄石也金盡大憤抱疾而歸楊伯隣談記是世廟時事今此人肩背相望恐不獨乘贏客而予亦有一生杭人沈太學事問予方與談此而即為賂金二百餘皆是此機軸惟有面壁笑耳蓋夢中談夢身已是夢左慈化羊無處非羊也

如來自徙

通州據漕運之會遠近輻輳醖錢最易拊中人最入有役者率

錢塑如來一尊置市北數日聚觀者亦稍。有布施者。相傳如來夜自徙愚民易惑延至千里石相摩種。布施恐後一日夜積數千金乃監殿庭極莊嚴矣布施者日夜不絕佼者志益侈乃行十金於太守家人子具以實白意必得太守符印遍旁郡邑牟大利且云即重播不欲獨有當與共饗之家人子佯應曰諾已乃密白之太守擒佼者其詐立見為窮治其罪拮其乾沒錢尚餘若干緡米粟若干石給縣官費頃年南康校民實有此事稱佛見夢於其守某公欲建寺於某山云云而守實與交詐遂致奔走千里積布施金無算守亦盈其橐其詐漸洩守被大吏論覈去寺亦廢通州民益緣此又以嘗守也

賣鏡僧

友人朱載陽嘗作賣鏡歎其事幻妄蓋有僧賣鏡買者持相照
畢見僧影村頰謂其神也相率迎僧供奉之遂與僧姦僧力日
凡狎數人往于貞臘風土記得所稱陣毯事最穢鄙然亦其國
俗也唐一行用盤龍鏡斬雨致龍則其術神奸僧以鏡成其淫
則其術誕與樂昌分照而合果同乎大凡奸僧中人必以嗣息
婦易惑而嗣息所欲故易中或竟知而莫問誰何有哲婦能鑿
鼻者至使脫文罔而遂其奸益長矣

靈哥神

京師有少年能變形為女子假靈哥神言人禍福市中人往
惑之始僦西市有所狎少婦月供錢若干縉久之人漸覺乃徙
居東則咸勲貴所居其術益易中所奉養賚予無美至有迎
入邸第相養或共臥起往得行其私而西市故頰聞之怒始

今其夫往索錢不得卒自往大詬為邏者所獲立杖死

焚身為丐者

衲子自焚比舉火逃者十之八九枉死者十之一二而真者萬一先是一僧倡之衆僧紛和之臨火而逃則和者已盡挈布施先於其所往數日矣逃者至而分焉亦有逃不得死於老拳者一僧於它處擇丐人愚者說之曰君相類佛何自苦如此倘肯祝髮即無它能但不語日跌坐社中不惟免凍餒異它日有悟傳我衣鉢丐喜出望外遂從之歲餘僧謂人曰吾師道成矣尅日茶毗於是檀那四合布施無筭臨期醉以酒裸縛於龕加衣昇出火之身口不動宛然佛也焚盡孰有知吾師丐者較之然指為甚惜律不載入何罪令奸僧脫網釋典有燃指焚身之說非真了道者弗能又有口吐三昧火自焚者有人曾見焚者無

恙蓋火遁也予少嘗見僧焚手乞化甚多後事敗乃是斫得死人手縛臂間而已手尚在身畔姦術故多矣

寺僧詐化

浙山陰某寺每年度化一僧其術愚一丐者先期髡首秘養他所至期置高座上身首手足俱以繩暗縛龕座口亦取物約以三日後某時回首屆其時果化去有令公某心疑其事是年親視之見龕座下有小孔與其人穀道通至其時以鎗從下槩入其人竟以不言不動死令遂遂寺僧俱伏法而事遂寢矣

婦顧氏

顧氏騎聶二驢適市二隨之行兩相語婦因知二無室僅有一母曰妾無夫家在通州亦僅一母奇偶必有合貧賤無良媒妾倘得為君婦合力以養二慈糟糠固其分也今夜便可以婦

禮見姑而就鴛枕焉二大喜即與偕歸見母為婦矣明日婦為書崔驢屬姑往迎其母而解錢五百餘屬二往何開門家買布一端為二作長衣既得矣婦故陰截其一段令二往更長者何以布名家稱開門者言閉戶而人求之也奚有以殘布給人之理因擊二頰數下二歸言狀婦即酖二死而騎驢往詰于河何云云婦號哭執何曰吾夫為汝擊死矣便可往赴獄而守屍何家有萬金微使人覘之果死大惧出七十金求婦釋已婦持金騎驢去不知何往適通州姑歸言何常有母惟榻有死子並驢失焉

僧詐

有僧異貌能絕粒歌袖之外絲粟俱無兀坐徽商木筏上旬日不食不飢商試之放其筏中流又旬日亦如此乃相率禮拜稱

為活佛競相供養曰無用供養我某山寺頭陀以大殿毀欲從
檀越乞布施作無量功德因出疏令各占甲乙畢仍期某月日
入寺相見及期眾往詢寺僧絕無此僧殿即毀亦無乞施者方
與僧駭之忽見迦藍貌酷似僧懷中有簿即前疏眾詫神異喜
施千金恐洩語有損功德戒勿相傳後乃知始塑像因僧異貌
遂肖之作此伎倆而不食乃以乾牛肉攪大數珠數十顆暗噉
之皆奸僧所為王元禎談

優詐

姑蘇山塘某寺僧月夜遇美婦人至曰與友人反目怒歸母家
忽迷失道身無所依願得假宿僧始拒却已而心動曰汝但隨
我影行至一庵蓋僧故所居空寂地方欲解衣忽其夫率群不
逞排闥入縛僧曰賊禿安得誘良家婦至此僧不能辨但乞哀

旁一人曰可盡汝有得釋僧曰有麪近百束皆出乞化願以謝過麪既盡始罷後知婦是校童夫與群不逞皆優嘗入寺垂涎其麪而作此王元禎寓吳所見

金華戍

張進士肅之曰金華一人甚貧而謫以亡賴自豪於鄉常曰吾得戍則富可立致人笑其妄後按院巡臨乃自為惡款投寓訪者使以聞而中藏數富家陰事已逮訊則使人恐數富家曰若不為我地我必發若事數富家乃陰賂用刑者使寬之而已復得其金若干竟從戍遣喜曰吾富矣邑例同都有戍者則衆餼金為娶軍婦且有長解賂資其人語同都曰是戍也吾實謀得之安有脫理公等所醺金姑且畱吾自娶妻詣邑填批而後受金吾自赴戍所約期寄批迴聽公等銷可乎衆共聞風語且心

信其豪竟聽之其人他出半月餘而携一妻歸投牒邑中已填
批付之矣乃過同都曰吾不謬公等可予我金且却三之一曰
吾不忍多累公等衆益信乃挈妻以行先已約兩人與偕皆其
黨也以前金多市衣飾盛裝其妻偽為上舍郎而以兩人為之
奴覘有杭判某解段入京者因附其舟桅倉中厚簾帷以遮映
行數日廼市果肴以獻判見其文雅善奕心喜謂正得此君可
與銷永日也杯酒往還謹詭殊篤一日夜深對奕謬與判爭道
忽穢言罵判且批其頰判亦搏之與相粹至桅倉前竟挈妻奔
水中兩奴大叫某判強姦軍婦威逼至死吾兩人解卒也當鳴
之官且出批示之判窘同舟人與之和得賂若干乃釋託言撈
妻屍當易舟以往而判利脫去急解纜先發矣不知其妻乃丐
婦而瞽目者先以好言誘為妻為今日地耳其簾帷遮映若防

人窺之者欲人疑其美麗可藉口姦狀也已復偽會試舉入市賈舡至臨清為糧艘所阻乃從兩奴徧視娼家得一妓絕麗而妙歌乃游其家揮金不吝其鵠心動以為必富家兒也令妓曲奉以冀多得其人美修而儇佻妓亦心歸之嘗挾與他游或寓宿舟中數日忽夜私語妓吾有貲若干慮兩奴覘吾出或竊取欲暫寄汝家終當取汝家耳次早令兩奴挈一篋往併妓亦令出而閉戶自開篋歸銀兌封自辰及午約可數百金鵠伏窓隙窺之益心喜已鎖篋封識迺呼鵠藏之密室而縱飲番連一日又挾妓出游某寺去數日不返鵠使人問其舟則曰此附舟者嫌遲阻已從陸去也鵠始疑而發其篋皆瓦礫也蓋初所携止銀一封展轉上兌耳鵠但窺所兌皆銀而不虞其先緘瓦礫以易之也始募人追逐及於某縣已去數百里矣其人與妓連瑣

而兩人則押解之追者與論反詬追者吾軍婦稍有姿欲強償
為娼而吾不允乃更相誣耶則與兩解人共捧詣縣陳狀縣官
驗批果有此婦而兩解人証之甚堅妓已心歸此人亦符合其
說官竟判歸此人而罪追者及抵戍所乃分所得金子兩人而
遣持批迴歸與同都曰吾幸不負公等在戍則賃紫室陳玩器
所居幽雅人多喜交之覘衛某揮使者家富而年少喜蕩又移
居與近日夕以肴核為餽揮使愛之為入幕賓矣因長跼請曰
某公麾下卒耳而蒙公優禮其頂踵敢惜以報公德某家幸近
有新醞欲借車騎過為平原十日飲揮使許之至期則供具甚
繁且飲俱將醉矣使其妻於門內窺客又故令客見之妓故美
而艷揮使心動此人乃前陳曰某辱公肉骨之愛義當出妻子
以獻亟呼妻出拜又謂某妻善歌則使歌以佐酒聲色俱絕某

揮使已神蕩不自持矣散去又月餘某揮使唯是婦之慕想也
此人忽前辭曰某坐食於此囊篋漸空少業賈請假而之某所
販某物歲可得利幾倍某揮使曰子善賈幸為吾附數百金而
歲均受其利可乎初固辭強而後可又數日再來曰某此行非
數月不可而某妻旅居於外非便度可寄妻託子者唯公敢以
妻寄公家執夫人婢役某揮使喜出意外亟許之則與其妻以
入而別某揮使因挑其妻而姦之且稔密矣此人忽自外歸語
公曰販某貨獲利幾多貨從舟汎吾念妻故先来一見即去迎
貨矣公命召其安出其妻先與定計至是乃謬啼詬曰汝詐我
以我鬻某公為妾數月矣薄倖郎何面目見之死必不出此人
聞妻詬語乃攘臂毆揮使曰本管官安得占軍人妻小揮使愧
且惧唯叩首請罪而已乃顧揮使曰汝欲免汝必返我妻不取

我販金且脫我戍籍揮使皆許之因謬以某戍死申聞去其尺伍而此人遂挈美妻擁多金歸故里矣此其心計甚巧而掠使令處軍中亦可當使詐也葛百岡談

王錦襲

洪武年間定遠侯王弼坐叛黨身死國除並無遺有男孫先是女冊立為楚王妃亦薨並無寄有金寶莊田等項萬曆九年麻城奸民鄭雲詐稱弼孫王雲又有鄭龍相繼詐稱王震鄭南相繼詐稱王道興皆托言弼孫偽造制書詔券碑文集刻成書歷世遞相傳守國襲侯封皆但欺世未敢具奏至王錦襲王守仁秉時事刮金遂於二十四年具奏謂弼孫瑁四歲寄養楚府王妃位下毒死匿其金寶鉅萬及陝西莊田等項下部議遣司禮孫太監等入禁同撫按啓王索前奏物茫然無根鞠審得

王錦襲等從來虛誑情狀具奏。久始伏辜。論死而國辱王憤藏。亦如洗矣。部招看。得王錦襲妄冀封侯。肆行竄奏。設瞞天之說。令白晝無光。恣登壘之謀。以空拳罔利。定遠久已除國。原未遺有子孫。洪洞隸在山西。豈得籍其鄉貫。世爵可冒。則何事不可圖。天聽可欺。即誰人不可誑。制書敢為偽造。何論印信。種、非真親藩。忍於捏誣。安問軍民人、蒙害且既。以奉旨回籍。胡為復匿跡。來京玩三尺。若弁髦欺通國。如蜚語漸不可長。法豈能容。自非明聖獨奮乾剛。孰使窮兇卒投天網。神人共快。朝野騰懽。速從兩觀之誅。用示無將之戒。云云。予嘗為董左史序云。屬者飛字入國。為妖人誣。蟻致動天聽。椒房貂璫鞭霆下臨。憑其造作。求諸荒莽。黃霧晝昏。包羞帶礪。當是時。震懾褫魄。不獨臣庶。幸臺使者。展鏡於史牒。射蜮於偽談。簧鼓盡洩。霍瘴始清。漢

法得伸周仁彌篤而左史肩重茹荼組情織理支柱其間不阻不敷美丸於衆爭之地善刀於族解之餘志士多憂良工獨苦功在磐石紀在旂常豈曰張楚實以造楚蓋紀實云

馬明經

陸忠惠炳當世廟負盛寵而孝母母太夫人馬忽思香晚米三梭布為鄉物僅自語耳明日客有以二物贄謁炳值炳外出童奴已見入告母客贄有此又知客景陵人姓馬與母里姓同異之問客某村馬乎景陵有諸馬惟某村為母家曰然問馬某客知乎乃母之父曰即吾從伯也母曰其我弟乎即延入庭見時母出已含涕客入淚遂滂沱交拜皆失聲左右為酸鼻亦泣坐語益得委折即命外舍兒移太公橐居丙舍炳歸母迎謂曰汝為人子舅父在此而不知將貴戚親乎炳愕然出謂舅父必欲

執甥禮不令荅拜母躬調食宴飲綢繆明日庭實充盈蟬冕貂珥皆來賀勞其實非舅獨其里姓同而母動履探得者也或以非舅告炳：不聽時炳欲悅母又新得外家為文學足倚也益嚴事之明年春鄉試生高等天曹選授生河南某縣令之官矣而直指某公出按河南諸公皆為言幸善視馬令乃某公出按亡何中痰迷眩諸醫皆不知病所由馬來視疾某公聞人謔亦閩不為馬即與其僣閩人竊聽謔乃呼婦女名也馬心知病所由曰是可治也蓋先是徽藩以得罪廢徙去其宮眷例得籍記之以歸大內公親為記有感心動成疾而謔呼皆籍名也因白諸大吏謂公病令能療但必就令縣始得從之就縣矣馬故取一棺入衙匿美婢其中轉致公所若以備不諱是夜盡屏人出出婢教之曰但呼則汝應而身就之而馬獨明燭坐堂前公果

以是夜與婢合豁然有起色大驚曰汝為誰我何以在此婢告以故問馬在何處曰在是呼至謝曰公生我也我性不能一夜離室而塊處我又有感故病非公攻心虛扁何益于是仍納婢棺中以歸衙出婢無一人知者公已返栢臺視事是時馬令神醫名滿河洛而實不解醫公德馬甚即檄馬查覈宮財產乾沒無筭薦剡交騰得異擢歷官常伯始馬客陸府以純蠟成燭珍味制餅當天下士試禮闈日人給之後第者三百人皆以金酬不納其好結納士若此里人稱馬鑽天至今為口實云王秉之談其人不足稱才卓犖矣藉第令得所用唱籌借箸無難而鴻網不收遂令出火攻下策亦不善用其才者也昔周亞夫得孟而知吳楚之無能為取才固非一道

耳談類增卷之五十三目錄

外紀誦解篇下

貨者為客所詐

焚藩掾失婦

男子失驢

偽作雷神

某孝廉

黠民鬻神

閭門二黠賊

櫻帽小兒

後刺筒

雄頭愿

珍異染末

句谷民

奸僧

誦經僧

姑蘇閭者

蜀巴刺碗數珠

何秀才開勾欄

坐詐

受盜

客流胥奇禍

某孝廉

偽孝廉

詐銀貂裘

耳談類增卷之五十三

黃岡 王同

著

滁陽 夏守

校

繡谷

唐 景

叔永

梓

外紀譎餌篇下

貸者為客所詐

嘉靖間有士人候選京邸既受官矣然夕客橐空欲貸千金與所故遊客談數日報命曰某中貴兒爾五百金矣士人曰恨少客曰凡貸者例必以厚贄先內相家性苟得其歡何不可士人拮据購貸金玉奇幣值百金為期入謁到門堂軒麗巨蒼頭廬兒皆曳綺綳兩壁米袋充棟米尚溢出皆有御用字久之主人出主人橫肥以兩童子頭抵背而行享禮微咲許貸八百廬兒

曰已晚須明日主人曰可士人既出喜不自任客復屬耳當早
至我俟于此明日至而寥然空宅堂下兩堆煤土皆袋所傾問
主宅者曰昨日有內相賃宅半日知是誰何客亦滅迹方知中
詐楊伯武談

楚藩掾夫婦

嘉靖間楚藩司掾某麻邑人遣僕歸迎婦並子誤飯于團鎮盤
石橋業販人者家僕固駭子其家情踪皆為其人誦出乃曰爾
家我至戚也未時幸相顧授殮後婦携子果至延款甚殷次朝
附載客舟去謂適省從此而陰已與僕兩處鬻之舟客矣越數
年同邑曾給舍筆山公奉使道江右停驂某公署見役夫數人
薶草內一兒為所識隣兒即掾失子也呼至問母何在曰在此
盡得客掠買狀屬其邑明府收縛客而閔白楚臬掾婦子始得

歸又別攝得僕于他郭于是販家買客械死者數人

男子失駟

有三嬖雇駟騎行一男子尾之忽少婦欲下駟擇便地呼二嬖曰緩行俟我方其下駟男子佐之少嬖即與調謔若相悅者已乘驢曰我心痛不能急行男子既不欲強少嬖急行追二嬖又不可得乃慙道傍不知少嬖反走久矣是日三驢皆失予初入京聞此

偽作雷神

南鄰有一人悅一嬖謀欲娶之不得因製雷神衣斧並造二翅乘大雷雨飛集婦家將其夫擊死故又書背謂前世作孽婦與里人皆信之婦漸貧謀者常與通財益德之因嫁為婦數歲情好日洽漸露前事並出衣翅視之謂其為謀苦婦大恚即訟于

邑先是今任無為州倅內江何公廷表方令南鄭其夜夢有披髮血面人訴寃者次日升堂而婦入益駭異之急逮謀者抵死

某孝廉

萬曆乙未有某孝廉群飲于郊見一婦哭墓歸素笄艷質絕美婦乘蹇因棄衆驅蹇從之及門婦入莫為計忽自內一人出孝廉與語其人曰此婦新寡辭其夫墓歸將適人耳吾為某執伐耒也孝廉曰幸甚為我媒當厚報公其人曰然因與為期至邸舍僅出廉值盟已成其夜婦至下輿睇視之果逢者大喜花燭觴散且就寢婦曰君第先寢孝廉即先寢踰時婦不寢孝廉起問曰汝何不寢婦語如前孝廉又先寢婦見孝廉韶秀又饒橐裝屢寢皆如已言知無他腸因問曰君有密友否曰即吾同袍塞塗何論密友曰妾從君矣孝廉大詫曰汝為予所娶不從何

性曰非也此賺錢術耳天未曉夫必至遲其無賴矣妾哭母非寡媒者即吾夫也不寢者夫旨也君但乘夜遷密友家始為得妾此妾自媒從君也孝廉即如其言遷去未明夫果擁衆至見是空室以詢郎主人郎主人曰相公夜裝歸矣即群崩去如追之不知所往婦身是賺具反為婦賣機中有機亦何矯捷屢寢皆如婦言本是細微而以此得婦心此柔道之驗彼壯于煩其何能以求吳寧伯談

黠民鬻神

吾里團鎮販人之雄陳策知樂平有客欲卜妾乃以已婦垂鬟嬌語作女狀誘客至空室令嬾挑之即曰此少婦得罪于姑必欲嫁之而嬾尚羞阻且其性甚暴然吾力能嫁之不過十五金耳客善授金與購又曰慎不可造次今但詒謂往某家避姑

怒數日即返舟既遠惟汝所欲不然婦呼啼則事敗矣客曰謹如命既夜與至衆擁女登舟納艙中然客遙窺美麗絕世順流桂馥一瞬數百里下視乃木雕娘娘恨而返已數日間知為朱家廟神仍備牲醴袍服導送至廟品人皆散去莫可尋復有群不逞謂客盜神欲縛之客惧遽歸又某販一嫖已登舟問其家乃其親家母笑釋得返又一人販一少齒秀才于饒陽轉入徽郡娶源程進士文著家久之與其子課文精麗大異之而咨其家世即麻邑耿司徒家族子也時司徒方督學南畿程氏駭愧歸書篋衣囊數肩令二力送還其時黃山人草玄在座識之而後又遇之于鄂城入棘闈時真異事也今諸人先後皆以罪死或以厲死販風頓息

閭門有匠鑿金于肆忽一士人中服甚偉駛曳而來自語曰暴令以小過毒捷我必報之因袖出一大膏藥薰于爐次后將以治瘡者俟其鎔化急以糊匠面孔匠畏熱援以手其人已持金犇去又一家門集米袋忽有覺者垂腹甚大盤旋其足而來坐米袋上衆所共覩不知何由匿米一袋于跨下復盤旋而去後失米始知之蓋其腹觀塞而成而覺亦偽也皆出客談

攫帽小兒

閭門有人背負一篋篋中藏善盜小兒當人聚處見好帽輒攫入顧視無人而不知篋中有兒其人已疾去也以是其地人常失帽

篋刺筒

浙省往早奸民作憲製篋器如筒而口攢倒刺見負擔者以筒

王言美出
單首即負其擔去而刺尚攢其人頸項也

碓頭愿

俚俗於小兒度阮有枷鎖愿奸道士謾為碓頭愿於窮鄉單戶
令其父或母踏碓昂起而置兒曰中識誦而罷乃乘此掠其貲
去而乘碓者莫能動之則春兒死矣

珍異藥末

吾里小兒醫董氏高齒剛介語其藥料皆珍異必銀五分始受
一分絕不少假兒服輒愈爭求之後其媼與瓦唇癸其隱曰汝
藥是何珍異我所製紅麴末耳蓋小兒病常傷於飽麴能消導
也今京師賣肥皂必以布大書曰天理角子肥皂豈皆珍異藥
末類乎

句容民

旬容民兄弟三人其伯氏客蜀販木五載不歸仲以嫂美令人
詐稱兄死嫂為位哭成服久之察其心無嫁意乃私受河上賈
人金鬻之仍給賈人曰嫂性好嫁而多嬌飾若好語則費日汝
可率徒衆徕至見素笄者擁而登輿但云明日講話登舟為汝
婦矣計定其夜賈人率徒衆至仲季皆避去而不知季嗔兄分
已金少也潛以語嫂獨仲婦不知嫂亦不嗔但泣告仲婦曰
汝夫嫁我幸是富客但不早言令我飾妝今是吉禮而素笄
往可乎幸以汝緇冠相易片時其安矣仲婦授緇冠自著素笄
畢嫂即匿去仲婦出答客衆見素笄擁而登輿去如飛而乘風
舟即發矣夜深仲歸始詫失婦不省而追之千帆雜亂數日不
得乃次朝伯氏肩其重橐歸夫婦嫵婉聚廬里人皆來勞遠人
仲亦歸聞其二稚啼索母伶仃蓋仲婦所棄兒也腸為寸裂里

人有知者無不掩袖胡盧仲欲以其巧成其不仁而嫂之巧浮于仲其間巧合默成匪人為之天寔為之故至巧莫如天不然他且勿論遠人隔五載矣是日何由歸哉或謂是徽人事伎倆皆同獨其假作迎神誘嫂出觀而群奪之稍異耳豈二事偶同之手

奸僧

往年京師有奸僧能隱其穢與婦人合齋誦呪謂宜子後果常得子小家婦先使人試摸其穢無有而又貪其生子以就之實與淫也既淫而避損名故反相遮蔽仍誘美者以悅之一婦獨不信而為夫求子所迫姑往然預集人樓下戒發喊則排闥入以是穢不能隱即時擊死妖絕楊潮談

誦經僧

正德間山中大家請僧誦經于一樓上女及笄有時上樓拈香頂禮僧忽推墮小婢閉戶淫女聲言擊已則殺女飲食皆以女故繩挽自下相持既久忽有人定計故扮盜劫其家其魁是僧僧故以其黨招僧下出亡僧從之被縛公私交捱死愚民易惑求福于冥而失女于昭佛何不救今白蓮之法甚盛矣夫隨婦與僧姦謂之結緣揭竿而起嘯聚俄頃殲牙之剪責必有在耳

姑蘇聞者

姑蘇聞者甲毆乙且死而揣其必死乃其家孰敵甲因稱暴病走馬延醫至已死陳屍聚哭祭奠如禮始二家互訟毆死至是兩死相當遂罷訟越數歲憲府小掾適他郡嶽岑深山中見甲披裘踞坐醉聽農歌以為非耶睇視是也歸向憲使偶言狀

憲使曰此吾未了事即令小掾懷檄文潛往以其地邏卒捕得
猶謂非也拷問始伏辜復訊屍所自乃其客為謀命奴某某掘
某家新葬父屍衆亦款服甲罪極刑株累益衆屍向已歸窆某
亦執縛客不知其親也某家貧得美棺厚殮兼得善地樹槨成
林塋塚甚治惟更題墓石名已親焉段綉川談甲巧矣而不洩
客與諸奴皆田橫客矣匿深山滅影而必出就大戮天不嗜巧
也故曰死病無良醫

葛巴刺碗數珠

成化間京城外有軍民葉玘靳鸞等募人墓取髑髏及頂骨以
為葛巴刺碗并數珠假以為西番所產乘時市利愚民競趨之
所發墓甚衆至是為緝事者聞於朝番僧嘗買以進者皆遁去
捕玘等送刑部鞠治得其實俱斬於市嘗見以碗貽貴人者欲

添作飲器寧知為墓骨乎

何秀才開句欄

吾里團鎮何秀才貿靛於下雉過酒婦、不為禮怨之其地多盜邏察甚密因屢失語作捕盜伎倆其家因以聞邏者邏者至語益支離當人即欲躍出邏者縛以見于賊曹賊曹居之馬糞中方踞案治他文書久始畢而始作怒將加枳梧于生、忽躍起翻案大罵曰奴官敢辱我名士哉即拉與俱謁守左右無不錯愕莫敢與抗謂守曰黃郡貧士屢試高等以貧故貿靛于此為糊口計昨從僧主人得金八兩諸人詐盜盡奪去賊曹復屬耳令餽已故非法寔我公不為理當詣兩臺訟之守咨僧主人昨日果索金八兩去合符所列甚明遂重撻諸人令償金復詬賊曹賊曹以三金謝過始罷自是諸酒嬾望而迎款恐後或有

王陽明先生集卷之十三
誦之者秀才曰旅居多暇偶作顛惜大開勾欄一齣耳

巫詐

蜀內江落鳳坡有龐士元廟巫詐某死而其徒殷某假神簸語謂某當作神遂以其軀塗泥塑像自是禱卜雲集威大著病者治以符水立愈殷居積亦大饒會蜀有夷九絲城之擾官軍莫能禦殷自斷其手請于相國趙公願假劔印于朝以其法討賊自效人皆憊懣謂宜從之者時伯兄純甫令其邑燭疑之即令人以銀管探像喉中果得黑色蓋始中毒而殷造此為利媒械訊殷果得其情以抵死毀其廟此與西門豹投巫事同特不如其巧為快耳其亦五斗之餘詐耶

雙盜

何大復先生有雙盜篇曰雙盜者一足雙善穿窬嘗夜從二盜

入巨姓家登屋上翻瓦使二盜以繩下之搜賫入之櫃命二盜繫上已復下其櫃入賫上之約如是者三及其數覺盜自度曰櫃上彼無置我去乎遂自入坐櫃中二盜繫上之果私語曰賫重矣我二人分之足彼出必多取不如棄而去也遂持櫃行大野中一人曰覺盜欄善偷乃為我二人賣一人曰此時將見主人翁矣相與大笑不知覺盜乃在櫃中頃二盜倦坐道上覺盜度將曙又聞遠舍有人語咲從櫃大聲曰盜劫我二盜逮訝遁去覺盜乃得全賫歸覺者之智無過孫子矣此人當平世遂小用之為穿窬莊子曰竊鉤者誅竊國者為諸侯顧所用何如耳

客流眊奇禍

一客行蘓市流眊於美婦即有人肩隨曰公悅之是可污也旋以客帽內玉簪往曰納簪則事諧已又偕客入戒勿言客見簪

挿婦鬢大喜自是饒有連忽一夜是人猝至其郎曰天嫁婦至矣婦入令裁燭結情綢繆為期令過我家頃時未可也客善無量及期突入室匿其奧婦大驚不省衆捷之矣死赤身遁出婦本買絨線此人以簪質絨去因挿鬢畔而過郎者他妓貌與衣飾皆似者而闇地不察也其人禍始於一眚語曰一念之欲不能制而禍流於滔天此也

某孝廉

一孝廉客蘇屬其友卜妾久不得一日過市見素裝婦極妍以語其友友作色曰此予表妹名家子新貧寡耳何忍言孝廉謝不知月餘友至曰曩事予為子圖成矣婦即稱願死守貞而毋欲得貴婿已勸諭定盟因以二百金聘入為期必達市迎納恐遽以貽羞里人從之二舟並往抵河壩婦居惟哭甚哀母勸令

脫綯易緋璆珮鏘然花燭輝爛忽婦躍入水死母大哭尤孝
明旦且成訟孝廉懼盡棄裝謝母逃去躍水者美男善囚者
出友謀孝廉後令吳破友家蓋事後詐聞矣

偽孝廉

督學鄒公守黃郡時嚴重非遊客可干有生來謁稱聞孝廉其
於公為年家子在途盜刼赤身兩蒼頭歸報其尊人方伯公去
獨一童相隨耳公與談辨對甚捷文執流涕因客寓之報恩寺
亟問亟饋忽暴死公傷之市棺出纁帛屬幕賓何君視含斂復
有倅莊公乃同鄉為置靈位建銘旌如禮祭奠月餘矣予與吳
大叅遊西山言及此方山人曰此偽也頃在京山李太史宅晤
此人於席上亦稱此孝廉而邑博某與孝廉至戚亟來謁刺至
而此人已微服遁去故知為偽也予以語莊公莊公訝然適公

遣使於方伯公者亦至謂孝廉方在家而童子亦適去公第令
出瘞之而已此公厚德也此人本蘧蘧中物能生詐得貴人厚
飲成禮如此天下之善詐莫如矣即奸佞之雄才亦足以副之
以如此才何所不可干世而作狐戴鬪髀而欺人乎

詐銀貂裘

嘉靖中某少宰與一貴璫善貴璫有銀貂裘值累百金忽一人
持少宰刺借看而璫令親隨人持往至部堂下止其人持入曰
少待然下出至晚少宰出始跪白少宰曰安有此事蓋吏部
有前後門其人從後門進也次日察左右及五城捕偵竟不可
得

耳談類增卷之五十四目錄

外紀盜篇

趙風子

嚴府及邯鄲盜

大金吾陸公家盜

周玉溪

僧附舟者為盜魁

內藏盜

寇出櫃內

金陵巡兵

臨安僧

畢大叅家盜匪

江都盜僧

傳盜兒

販豕客

徽歙發冢盜

太倉庫偷兒

太倉庫盜

太倉役人

北寺遊僧

乞僧

虜義

迷眩藥紙炷

盜登危牆法

盜樹法

粵南盜質子法

雙柳夾盜

飛天賊

耳談類增卷之五十四

黃岡 王同軌 行甫 著

滁陽 夏守成 克家 校

繡谷 唐 晟 伯成 叔永 梓

外紀盜篇

趙風子

正德間大盜趙風子破彰德之武安縣集師儒於明倫堂講書及易之飛龍在天問是何意一士急曰此正大王今日應天順人之謂也大悅贈百金風子原是河南增廣生避劉六劉七等盜於水中以物覆頭盜繫其妻以去大怒出水奪盜刀擊殺數十人奪妻以返群盜壯之重得知為風子素有英聲因擁為帥以是多奇策兵益強嘗有詩曰秦庭有劒誅高馬漢室無人問

丙牛盜固不道而其語亦有刺

嚴府及邨鄆盜

分宜相誕辰公卿觴集其第忽締綺陸公金壺失焉時公威權甚嚴或誚之公曰無憂盜獲矣因自坐門屏與群公約以次出皆自檢其徒從客盡盜果不得出伏梁上獲之蓋選官園子生自言所盜皆珠玉金寶物非是不顧藏城外某塔頂上而京中苦其盜久矣邨鄆有青衿子日夜讀書其庠書聲恒至丙忽以大盜密捕去庠師大恚曰是不履外戶者然其家有駿馬匿園床中藉以重氈飲食惟燒酒梁肉盡一石夜行五百里動息皆如人意蓋群盜徧為耳目而以青衿子為魁當其書聲息時即馳馬去劫掠還而未曉猶為閉戶先生也盜發自他郡言其狀皆實遂不可解甲午秋適給舍鵬初于隆福寺鵬初談前事予

談後事相與大噉予所聞乃卿先生鄭公嘗令邯鄲所見云

大金吾陸公家盜

世廟大金吾陸公居密室與趙夫人玩雪忽于雪上見人影詫問而人遽至前至者凡五公心知為劒俠紅線之流即命夫人避去呼酒酌五人親致壘杓曰僕為人主守三尺正為公等今乃相偏置僕何地若金幣惟所欲五人曰今幣何庸一人袖出一石乃異寶以視公曰此寶本一雙其一在公願以相假蓋皆外國貢上方者一為大總戎仇公鸞所得鸞死歸其人而一在陸也公曰誠有之亦不為公惜第不記置在何地非可造次索者柰何其人曰已知在某姬第幾箱緹囊金盒中如言呼取便得以相贈五人致謝且曰願公忘情于我輩不然恐于公不利公唯々即躍高屐昇屋去其行如飛屋瓦無聲時趙夫人已暗

集外宅兒邏護無所見後六載有直指使出按某藩公耳語以
五人名相屬是夜前一人復至色甚怒持短匕如秋水曰公竟
不忘情我輩耶即直指何能為公佯應曰否、其人曰我已心
許不殺公矣復去公吐舌食不下咽者數日即夫人父趙太史
祖彭以語人方玄暢克治談時陸負上寵著聲武健長安探丸
盜俠誅繫殆盡而亦累劫于盜語曰密網漏于吞舟張火飛蛾
反集其曰火猛人望而畏之恐未必然

周王溪

周王溪居金陵偉容貌善談對輕財好施所往還皆貂珥章甫
然實劇盜履危躍峻捷如平地又必身親為之非奴客所能從
故莫知其事嘗在魏國座盜二金盃乃錫自聖祖歟有猶睛異
寶偶置淨海寺山房獨所厚者一奴知之萬曆甲午春會訟是

奴竊于司敗奴因屬耳司敗曰我不過岸竊主人大盜魏國金盃尚在淨海寺山房司敗索得之以聞于司隸蒐其家賊贓山積白金大錠七萬兩少婦十餘人皆姣好司隸畏其逸去以銀鐺貫頸骨置獄中死潘司城子濫談其所見也

僧附舟者為盜魁

童秀才子重吳人雇舟有所往適有附舟者童許之而舟師固爭不可始罷因問故舟師曰往有商雇我舟其貨皆布忽有僧附舟商納之然商仁慎坐僧於上與共飲食久益綢繆談皆善果一日泊荒港盜來偏劫商甚恐僧曰無妨起叱之皆去明夜復至僧起叱之不去怒詈亦不聽僧遂拔佩刀登岸殺二人始散商與舟師皆不省謂是勇力僧曰此我黨而我其魁來附舟探虛實耳渠謂公布中皆金故堅欲劫我非不知感公義不忍

也我鬼盜三十年了無意緒今亦從此罷作入山棲禪圖性命果結商拜泣語畢而去童始謂舟師有見自是但出舟無附者朗執談商當孤旅惠愛幾何僧遂相報若此今割肉食人苟有便可殺害惟恐及入不深何紛々也是此僧罪人釋盜棲禪何不于法場證菩提耶

內藏盜

南都宮殿即燼而藏府扁鑄甚固嘉靖間北使啓扉入見几上熱飯集兵索之得群盜皆父家其中藉銅椎成片以鬻無知者或謂凡盜劫金皆入分於內以其閑寂也莊謂法篋之盜惟恐藤鑄之不固非此類乎

寇出櫃內

一家娶新婦而室垣不固婦盡納奩具金帛於櫃始就寢時寇

旋已匿身櫃內夜半婦妨竊復起鎖櫃寇不得出乃故作鼠聲
響其內婦妨鼠噉又起開櫃而寇因躍出奔去始寇問法於其
師曰倘獲何以得出口曰子姑往將告汝至是以其事對師曰此
即是矣

金陵巡兵

近年沿江用巡舡緝盜盜不得作而苦巡兵常自為盜數年前
予達金陵金陵獲盜乃其巡兵蓋往赴操江督府遇賈舡故稱
盜劫之貲掠殆盡一盜著新襪擲所著故襪于舟尾而忘列名
手本在襪中既去賈得據以聞于督府兵尚不知呼曰江上盜
無督府曰汝等皆盜安得謂無盡以伏法然諸處及吾郡皆然
不但金陵此等皆黠民安得健忘必司幽者故調弄之至此耳
里語曰惡事無巧手信乎

臨安僧

吳中一生與臨安某寺僧善從遊最久日過寺僧僧值他出徑入其所居奧室見榻前懸一小木魚無心敲擊忽榻後板鈴響一少婦出即士所識中表戚也兩相駭詫板即地屏內一片而巧合縫可開可闔所謂地窖子也婦惧縮入生亦奔歸遇僧于門僧既驚失鎖戶而又訝生色異知事已露故以好強挽生返曰今日之事勢不兩生惟足下自裁生亦嗟訝曰自墮火坑知賊禿不能釋我固我死日第求一大醉而子誦經拜懺我甘自縊耳僧從之大酌以酒而拜誦如法生脫其囊巨注酒復滿當其拜伏忽舉以擊僧腦破連刺之死奔出以聞于郡盡屠諸髡婦女出者凡五六輩皆先後盜入或以求子誘入者

畢大叅家盜阨

南粵大叅畢公竟容貴溪人居城北僻地家實饒盜晝入獲公及其母妻子皆在盜曰小人求濟耳諸夫人公子請皆避去獨留公待太夫人片晷公即呼取黃白數多盜曰足矣但乞一飽公曰我豈吝一食哉顧汝來早少選邑兵至出不待矣盜必欲得食食具兵已合圍鼓噪聲震天公頽足曰庸奴誤廼公事雖然禍必我解因令飽食束金于腰出其家利刃長鎗令持之戒曰我與好語而擲金于地但得拾取汝便殺出門開公與語擲金兵不顧盜不得出忽兵隊中一鉤出攔公以出既出知諸夫人公子皆在外獨失太夫人號泣欲入與母共死主兵者不聽主兵者惧盜乘機殺出令縱火其太夫人時年九十餘矣目半瞽忽在公旁蓋盜德公扶掖而縱之出也群盜皆死火中獨一盜披髮着婢衣裙抱小兒作其家婢奔出後于他卷始供出其

事然公得太夫人之時大慰昇至民廬跪進湯粥其時視藏金直如贅疣公非欲庇盜與同禍也而卒以此出母于烈焰亦德感之驗而孝亦足徵盜即至暴而猶可以德感兵不顧擲金有法皆足書吾里黃別駕士元嘗博士其邑所見

江都盜僧

萬曆間江都令某公夢其郡城隍神語曰明辰有六盜入東門也令潛令兵卒偵察有七僧入覺異縛詣邑而尚疑多一人乃其一少俊為所掠女女隨父母抵某邑作丞盡殺而奪得飾以為僧雜其中挾姦久矣女訴始末哀哭不已問其家尚有兄在南雍移文取得將之歸而六盜屠梓有傳其時維揚一時二事而其一孝婦割肝飼姑者也

傳盜兒

汝陽傳盜兒其父劇盜被逮置獄乃誣諸平民賺得多財鬻其黨並以通關節得釋出然人人知其盜穉也出即生子名之曰盜兒既長仍業盜被逮置獄時樂公令邑而盜兒尚欲習故智謀脫公曰汝家世盜死不於身必於其子故命名已先於定罪尚何說焉今繫獄中

販豕客

姑蘇販豕客刺舟夜往上有豕籠盜見籠揣客挾金遂騰起奮擊驅客艀歸已破舟上有其金刺舟去客失金慚歸方快忽見復有豕籠舟來亦騰起奮擊驅客艀歸已破舟上得金方知即已舟天尚未曉也客為盜乘反乘盜故敗有勝械而奮可鼓不備可乘也惜客小用耳

徽歛發冢盜

或謂古人之為善今人不能古人之為惡今人亦不能乃今徽
歛盜盡換名家祖墓之骨以吉成凶而子孫不知則古人未有
之惡也然盜而得福則必不犯乃今竟犯則不成福天理終勝
地理罪視採割蠱毒百倍者也上刑之服司敗者其勿以慘為
過焉今刻有發冢大變事畧載其一呈以見始末徽州府歙縣
原任南京戶部侍郎方弘靜等呈為發塚大變事葬埋有禮壞
樹開情豈但命脉相通實為彛倫攸係詎意明時倏生異授歛
南斜干戮民朱從志朱文元朱大綬朱繼章等地據嚙天賦
豺狼招集方外流亡若方應本方岩泉朱輩連結域中奸宄若
鮑泰鮑志賢汪應宗胡福貴鮑玉鮑志端王養心多人白晝裁
冠袪服名托堪輿黑夜聚眾操戈克過劫殺譜合郡有駭之墳
按形差價導各鄉不孝之子徽福茂親骨難携付火以收餘燼

形未朽加刃以斷全軀木函總長尺五棕裹僅重數勛觀同行
李一夭可負幾骸人似假係萬山捷如垣道秉夜秉燭蓋以油
帳而外不見光剗土破棺鏃以鐵車而人易為力恐新泥之散
漫盛之以橐囊防舊草之虧殘留之以掩覆伏行貫地則有未
冠朱明號為穿山甲呪券按棺則有已髡應鶴名曰鬼中人或
入盜骨以雜真骨令竭目力而難分或出其骨而入盜骨異擅
地靈而獨秀盜骨已入多年聞事露則取回以滅其跡真骨已
携遠去恐作崇猶拋擲以散其魂黨與不下百人惡積已踰廿
載雖雷火疫病數遭天網而奸深跡匿尚逭王章幸而今年天
定勝人巨猾吳雙虎方岩泉事發始迷終悟同黨鮑春貴程四
元首供奉呈具狀立案歷歷可查失骨毀骸踪跡彰彰有據自
餘盜骨而不能鳴寃者十數家聞已被盜而不及開驗者百餘

族上菜園一屋雜置之骨已獲數十上里山牛斧棧二處散埋之骨尤尚百餘已歸者數家當經縣鞠未歸者無數俱屬官封夫以卑幼暴尊長之骨者死律也此則不唯見暴而火之刃之兇殘人不忍言發人之墓而見屍者死律也此則不唯見而毀之移之荼毒古所未有雖已暴惡跡而若諸墳譜記若油帳鐵車若勾鋤木桶等具俱未追獲縱以法數人而若首事之朱繼章胡社二朱大變窩盜之江天資天啓等犯俱屬逋逃事完復聚過起猶前且已歸之數骨雖復首丘各胤猶以殘缺而抱終天之恨未歸之衆骨舍冤盜藪諸姓必以暴露而罹不測之災仰乞臺端察存殘難平之恨念士民至切之情已獲者盡法而無為未減未獲者嚴捕而務在除根被盜之墓係某人於某年盜葬而悉發其奸未歸之骨審其骨係某人同某人於某處盜

來而各歸其主實鑒古今不朽之功造東南無量之福也萬曆二十七年月日具呈鄉宦方弘靜凌瑄江東之羅應鶴程奎吳應明楊武烈鮑應鰲江來岷畢懋康洪養蒙汪一元程道東黃金初方應楨江元功愚謂王莽發翟義祖冢出其骨以棘五毒同坑葬之古今之極暴後世有餘憤焉盜也與同則所以剗莽骨入烏容已也

太倉庫偷兒

太倉庫于萬曆中有偷兒從木竇中入竇隘橫以首無究膚矣於內亦得一大寶置頂際如前出至竇之半不意復有偷兒入俱不能以縮退兩頂相抵槁死而寶在其中久之擁水不流治澶始見

太倉庫盜

隆慶間太倉庫銀若干起解出暫置土地廟是夜寇入失一錠重千兩主者且皆得罪忽郭外農人遙見人以首招已者迫而睨之乃是以齒齧大錠銀邊一上一下而首因之也知是盜即入城報邏者人銀皆急獲錦衣公問曰汝一人能持千兩乎盜指門外馬臺石曰是可持命即試持之果然盜荷大械自衛門步至庫門十餘里不用人扶助真力士也有才如此戎府不能以一隊長綴之而令為盜又不能以使過生之可惜也

太倉役人

嘉靖間太倉庫役人預與其家約某夜擲銀出牆外拾之會誤期擲出為丐子所獲然丐子亦大醉無所措以瘞沙土中家人始來無獲疑丐子相諱語適有邏者即以聞錦水衛雷馬子稱是已瘞而索無有知其醉也令徧索之于墻角得三大錠曰是

內役授械者十人皆聚貲美婦妾紛來進七著咽不能下不旬日皆死而扁鵲始彌嚴予時在京所親見後聞當出者服判屑出穢中則即刮毛龜背而勝剖腹多矣

北寺遊僧

姑蘇城內北寺遠有遊僧十許分廊打坐一少年入而遊觀忽一僧起抱住隔牆擲入別院一僧自內抱接不墮是夜群黠之已又榜撻極毒始與緇髡為僧矣相携出亡住鎮江山寺少年為陳秀才子出金募捕者偵之一歲所一人窺見而貌鰲瘠不辨歸語秀才並集徒眾往偵之遠僧半出兒見父淚下禁不敢語父瞠視始辨拉歸眾方蒐捕而僧盡至內外夾搏竟不勝我眾而亦盡逋莫得也少年今廢業工繪事尚麗絕吳因之談又因之父秀才與群士課文一寺中群僧梵誦而案供皆桃李一

友取啖仍以核戲擊禿頂罷出忽一壯僧起持短棒追擊友臂一下臂幾折衆因詣郡侯陳說侯令獨捕此僧並棒來棒以鐵條駢穿錢為骨而漆布裹成之擊數百竟不作聲數日死此皆賊禿而托跡於緇者耶

乞僧

吾里莫姓者曉起見乞僧踞大雪中而修尚與人齊視其貌非餒者因延入具鷄黍飽飡之仍為齋糧曰此非公久處地可去也明日遂不見再踰年莫為郡侯大梁郭公使于燕過趙郡邸店一客素軀幹偉大胡帽狐裘睨而耳語曰而非黃之邑飯乞僧者乎此我也莫視之良是遂相與劇飲而饒有贈金別時又授一小旗令置身畔自是遇者皆曰爾從我師來乎皆贈金莫懼匿旗往邁無疑比逋盜晦跡緇流而復橫河北是曰響馬賊

然一飯必報有韓王孫風未可以盜細人而忽之也今之法非
嚴於昔民貧十倍自壕塹設騎不得馳而盜踞於北自八槩舡
禁重以巡舡而盜絕於南制人之法安得謂無也

虜義

往歲倭躡無錫其法所掠婦女許以金贖有士失婦着青衿綴
布于背上書其事抵虜營虜帥令察掠婦女中果得之而婦避
謂非是蓋以淫委心于虜也復抵帥：逮婦至曰汝夫乎曰非
是問士既汝婦身有記乎曰有驗之果是乃嘆曰汝夫捐生贖
汝本義夫而汝背之乎即令磔于前而以二女子並囊金帛負
之遣歸虜亦義矣故曰盜道

迷眩藥紙炷

河洛間盜能以迷眩藥作大紙炷從門隙中入熏臥者俟其寤

駒始啓扉。肘篋莫能覺也。介休一孝廉赴試。過保定。以是法篋去。不覺抵良鄉。始知返走。故宿處見前同宿客。尚在。即執以聞官。拷訊吐實。失物俱在。梁光祿解銀往寧夏。過涿鹿。扃戶甚嚴。扛皆以鉄繩聯繫。而數蒼頭寢其上。一夜忽失寢處。二扛亦以迷眩故也。次日城門未啓。編索城中無跡。守謂是無有。爾自盜去。而燼其扛。我何與焉。至相毆擊。忽偵者謂城外遺有扛木。守遂不能解。文武四公各蠲五百金償之。始罷。梁亦以此左謫去。予索馮敬之談。

盜登危牆法

河南北人家防盜多作高基層樓。而週牆壁立數仞。盜有登之者。于角轉折處以手足夾而倒上。足力夾固則縱手。力固則縱足。一伸一縮。不過預刻登其巔矣。傳曰。蜀敗于山。晉敗于馬。

使其中有可欲而云恃險未然也

盜樹法

凡樹遇圍去皮寸許則自枯以其膏脉皆自其皮運予少讀書天壇見守者以此法盜長松百株歷歲如洗長民者不可不知且山川賢聖不若鬼神佛釋有冥威不守而固也

粵南盜質子法

粵南盜常攫人家愛子或老人以布蔽面高下迴曲昇行最久始下而實不出一區居之密室出示曉人以某日獨人持金來金必半人之產金入子出不然以飽刀其家捧若符命輦金恐後兒猶如前昇出行不知何地先伯兄純甫按粵時有盜為此幸兒默識其家神龕祖先名姓以聞于憲臺考籍立捕得死者十餘人遂墟其地又大盜常質憲臺祇候索贖于部邑長吏乃

伯兄所遣祇候自京進武錄歸被質以二盜聯銀鐺繫樹間教令作書遣其奴索贖于某邑奴已陰受耳語來時購得耐酒鋼剪乘一盜醉斷銀鐺逃歸京中報書皆無所失而反受邑餽金豈惟此即藩臬大吏被質矣自予里熊元乘中丞破大盜曾一本後地始清寧

雙柳夾盜

我里雙柳夾推盜劫地有舟江行載客皆滿忽一人求載既登則露刃謂衆曰我大盜也欲前劫一巨商但借公室舟躡之不然殺若衆皆盡衆有難色以懼相累即袖出包絹三十二方令以障面察客數果然遂皆障之而鼓棹行及商舟以纜相係乃自躍入謂商曰跡公久矣公自某地來金若干我但分公五百不庶乎商惴盜知已甚又其徒衆多即索金以進盜令如法暴

東歸已舡又曰再分爾布三十二疋可乎商亦以進遂至謝返
揚帆急行夜抵某地曰止有布在各贈一端幸不累公等急携
金躍去不知所之其為刼僅一人耳於已則善用其寡於人則
善用其衆而又自量所受智盜也乎

飛天賊

先司徒叔在京邸赴某貴公之席既罷出主人送客偶直入內
時有三人肩盒來稱是某貴公家賀歲者然兩家最熟視其人
非是訝而詰難三人欲出不得即棄所肩緝簷而上去如飛亦
絕無履聲發所藏皆刀刃使主人不直入密不去一為所執有
不可知者聞京師常有人家門戶扃鑰如故而失物皆此輩盜
既輕身多力走壁飛牆揭瓦出入鷲犬不驚從何備禦謝安石
不捕南塘逋逃曰不如此無以為京師今吾里亦有之稱飛天

賊再入吾臥內而寥然圖史吾甚愧焉